



kat.komp.

59781



Mag. St. Dr. P

Teol. 4249

Projecki i Matthiae Stanislawi: Quaestio theologiae  
de conversione panis et vini in corpus et  
sanguinem Christi Domini.



C

C

2

3

4

5

6

7

8

9

10

11

12

13

14

15

16

17

18

19

20

21

22

23

24



✠  
IN NOMINE DOMINI, AMEN.

# QUÆSTIO THEOLOGICA,

DE  
CONVERSIONE PANIS ET VINI,  
IN CORPUS ET SANGVINEM  
CHRISTI DOMINI,

*Ex 3. parte Divi THOMÆ Doctoris Angelici quæst. 75.*

PER

M. MATTHIAM  
STANISLAVM  
PSOIECKI,

Collegam Majorem, Sacræ Theologiæ Cursûs Ra-  
diminſciani Professore, Protonotarium Apo-  
stolicum, Ecclesiæ S. FLORIANI Canonicum,  
Curatum in Ofiek, Contubernij Jagelloniani  
Provisorem, Universitatis Cracoviensis  
Procuratorem,



Publicè ad Disputandum,  
In Augusta Divi Jagellonis Aulâ,  
Lectorio DD. Theologorum,

PROPOSITA,

Anno Domini, 1691. Pridie Kalendarum Junij.

---

CRACOVIAE, TYPIS UNIVERSITATIS.



# Q U Æ S T I O

## T H E O L O G I C A.

**V** In Sanctissimo Eucharistiæ Sacramen-  
to, in quo post consecrationem existit  
Corpus Christi secundum veritatem, sine ulla rema-  
nentia formæ Substantialis Panis & Vini, solis eorum  
remanentibus accidentibus, fiat Conversio totius Sub-  
stantiæ Panis in Corpus, & totius Substantiæ Vini, in  
Sanguinem Christi. nec ne?

### C O N C L U S I O I.

**I**N Sanctissimo Eucharistiæ Sacramento post conse-  
crationem, existit Augustissimum Corpus Christi se-  
cundum veritatem.

#### C O R O L L A R I A.

- I. *Afferere in hoc Sacramento Corpus Christi Domini, esse secun-  
dum figuram, aut sicut in signo, hæreticum est.*
- II. *Christus verus Deus, & homo totus quoad substantiam existit  
sub qualibet specie.*
- III. *Christus quo ad substantiam, & accidentia, non solum existit  
sub qualibet specie, verum etiam sub qualibet parte specierum.*
- IV. *Corpus Christi, non est eò modo in hoc Sacramento, sicut cor-  
pus in loco, quod suis dimensionibus loco commensuratur; sed  
quodam speciali modo, qui est proprius huic Sacramento.*
- V. *Mysterium hoc, sensu deprehendi non potest, sed solà fide, qua  
authoritati Divina innititur.*

### C O N C L U S I O II.

**I**N Eucharistiæ inenarrabili Sacramento, non rema-  
net forma Substantialis Panis & Vini.

#### C O R O L L A R I A.

- I. *Manifestum errorem continet sententia Durandi; qua dicit,  
per consecrationem tolli quidem, formam Panis & Vini, sed  
utriusq; manere materiam, quam putat conservari sub alia  
forma.*



- II. Per miraculum potest Deus formam panis separare & conservare: sicut quantitatem & alia accidentia separat & conservat.
- III. Ut forma Substantialis Panis & Vini in Eucharistia non remanent: ita nec Substantia Panis & Vini.
- IV. Panis & Vini Substantia, non resolvitur in præjacentem materiam.
- V. Substantia Panis & Vini non annihilatur: quamvis consecratione facta, nihil omnino eius remaneat, nec magis est ætæ, quam si nunquam fuisset, aut erat ante creationem mundi.

### CONCLUSIO III.

**I**N mirabili Eucharistiæ Sacramento sola remanent accidentia Panis & Vini.

#### COROLLARIA.

- I. Post transubstantiationem Panis & Vini, in Corpus & Sanguinem Christi: omnes proprietates Panis & Vini manent: ac si ipsa substantia subsisterent.
- II. In Sacramento Eucharistiæ neq; sensus, neq; intellectus fidelium decipitur: benè tamen infidelium deceptionem patitur.
- III. Accidentia consecrata, immutant eodem modo accidentaliter obiecta extrinseca, ac ante consecrationem.
- IV. Accidens separatum à substantia, non potest producere Substantiam, in Virtute substantia, cui ante inhærebat: ac per consequens Sacramentales species, non possunt producere aliquam formam substantialem, tanquam instrumenta Panis & Vini.
- V. Concursum Substantia (qua tunc ageret si adesset) supplente DEO: Accidentia à Substantia separata possunt aliquam substantiam producere.

### CONCLUSIO IV.

**I**N tremendo Eucharistiæ Sacramento fit conversio totius Substantiæ Panis, in Corpus Christi, & totius Substantiæ Vini, in Sanguinem ejus.

#### COROLLARIA.

- I. Mirabilis hæc Conversio, fit in eo instanti, in quo completur significatio verborum consecrationis, & tam diu conservatur Christi Corpus sub speciebus; quamdiu conservaretur Panis, si sub illis speciebus existeret.

II. Conver-



- II. *Conversionem totius Substantiae Panis, in Corpus; & totius Substantiae Vini, in Sanguinem; Sancta Mater Ecclesia, Transsubstantionem appellat.*
- III. *Transsubstantiatio Panis & Vini, in Corpus & Sanguinem Christi; rectè ex verbis consecratorijs colligitur.*
- IV. *Terminus Formalis & primarius Transsubstantiationis, neq; est sola praesentia Christi, sub speciebus; neq; Unio Corporis Christi ad species Eucharisticas; nec modus substandi Accidentibus Eucharisticis; seu conservandi illa sine subiecto: sed ipsum Christi Corpus, quatenus fit ex pane, in cuius locum succedit.*
- V. *Conversio hac, non est conversionibus naturalibus similis; sed omninò supernaturalis, effecta solà omnipotenti virtute DEI.*
- Cui Laus, Honor, Gloria & Imperium in saecula.**



**SVB FELICISSIMIS AVSPICIIS,**  
*Magnifici, Perillustris, & Admodum Rndi Domini,*  
**D.M. FRANCISCI IOSEPHI**  
**PRZEWOSKI,**  
**S. Th: Doctoris & Professoris, Collegæ**  
**Majoris, Ecclesiarum Collegiatarum, SS. Omnium**  
**Crac: PRÆPOSITI, Scholastici Cureloviensis, ad S.**  
**FLORIANVM Canonici, Korczynen: Curati, Librorum**  
**per Diocesim Crac: Ordinarij Censoris, Canonizationis**  
**Beati IOANNIS CANTII, Procuratoris, Contubernij**  
**Hierosolymitani Provisoris, S. R. M. SECRETARII,**  
**ALMÆ UNIVERSITATIS CRACOVENSIS,**  
**Generalis, & Vigilantissimi**  
**R E C T O R I S.**



*J. XXII. 30.*



is  
s-  
n  
g  
ris  
n-  
um  
.  
sed  
l.  
a.

I

æ  
m  
S.  
n

Biblioteka Jagiellońska



stdr0005388



